

H. 101, 56.

X 2005213 II

Yb  
215

D. O. M. S.

LEONHART TORSTENSOHN,  
CRUENTUS AT PROFUGUS HOSTIS.

*Qui à 27 d. Decembr. Ann. superior. 1642. usq; ad  
17. d. Febr. Ann. 1643. agentis, Urbem Freibergam, prater  
omnem datam culpam, cum Exercitû suò sangvinariò hostili-  
ter attigit, truculenter infestavit, ferrò flammisq; op-  
pugnavit, nec non dies noctesq; fatigavit.*

Aliqvibus Epigrammatiolis delineatus, ad vi-  
vum quasi resectus, omnibusq; & singulis, quos idem variis  
cruciatuum modis affecit, si non confecit, ob oculos  
in lucem publicam expositus

*A Liberationis Libertatisq; Patriæ avidissimò Amatore,  
qui ipsemet Obsidioni dirissima interfuit.*

H. G. A.



Anno

Quem Votum hoc exhibet.

*BeLLô, Peste, FaMe, proCVL Vrbe faCessere IVßIs, ) 1643  
PaX Crescens foVeat NosqVe LaresqVe plos!*

*C. V. Dñ. Sigismund o Sornm dat Friedberg*

AUCTOR







*Antiquâ Familiæ Nobilitatē Generisq; Claritudine  
Excellentibus, Magnanimitate & Fortitudine Strenuis, nec  
non tam Togatâ quàm Sagatâ Prudentiâ Experientiaq;  
conspicuis Triumviris:*

**Dn. GEORGIO FRIDERICO à Schönberg** /  
Hereditario in Simbach & Mittelfrohna / &c. Sereniss. Elect.  
saxon. à Consiliis, nec non Rerum Metallicar. per Tractum  
Montanum, Præfecturarumq; Freiberg. ut & Altenber-  
gensis Capitaneo præstantissimo.

**Dn. GEORGIO-HERMANNO à Schweinitz** /  
Hereditario in Komniz / &c. Sereniss. Elect. Saxon. Supremo  
Legionis Arnimbiana pedestris Locum-tenenti, atq; p. t.  
Urbis Freibergæ Gubernatori solertiss.  
ac meritissimo.

**Dn. VVOLFGANGO-FRIEDERICO Muffel**  
ab Ermreuth / Legionis Elect. Sax. Prætoriana pedestris  
Supremo Excubiarum Magistro gnaviss.  
& vigilantissimo.

*NEC NON*

**AMPLISSIMO, CLARISSIMO PRU-  
DENTISSIMOQ; SENATORII ORDINIS  
COLLEGIO UNIVERSO.**

**Suis Dominis Mœcenatibus, Patronis, Fautori-  
bus, multis observantiæ nominibus atatem  
colendissimis,**

*Hoc æditernum perennantis Memorie Gratiitudinisq;  
MONUMENTUM*

*Dat, Dicat, Nuncupat, Offere*

**AUCTOR.**







## PRÆLOQVIOLUM

*Ad Eosdem Fortissimos Heroes, atq; Clarissimos Viros.*

**M**agnanimi Fortesq; Viri, Eximiūq; Patroni,  
usq; observandi maximò honore mihi,  
Si Vos fortè juvat legisse Poëmata parca,  
hæc manibus promptis carpite parca metra.

Quæ properò calamò, lapsò modò tempore scripsi  
de Dorstensonio scilicet Hoste ferò.

Sint licet exilis vatis exilia metra:

Attamen accipite & consulite ista boni.

Perlegite ista, Viri Augusti, sed fronte serenâ,  
per Phœbum sanctè Vos rogo vates inops.

Meq; favore animi relevate favoris egentem,  
Magnifici ac Fortes, Martia corda, Viri!

---

### I. COLLATIO JOHAN. BANERI & LEONH. TORSTENSONII.

**S**icuti confusus fuit, ante videlicet Annos  
quattuor, oppugnans mœnia nostra, Baner;

Quantumvis circumcercâ concluderet Urbem

millitis agminibus innumerabilibus;

quantumvis portas, turres murosq; feriret

præcipuè tribus ex ære tonante, locis;

quantumvis & eos laceratos redderet: at re

infectâ tamen hinc cessit ab Urbe fugax:

Sic Torstensonius, qui Relligione ligatûm

aurum ac argentum fervidè opesq; fuit,

quantumvis cinxit numerosò millite nostra

mœnia, & illa nimis diruit ære cavò;

quantumvisq; globos, ferrum flammâq; vomentes,

immisit supra in civica tecta modum;



Non tamen absq; DEI vultû potietur avarus  
hostis hic innocuis civibus, surbe, Lare.  
Nam DOMINUS ZEBAOth turris fortissima: Is Urbis  
portas & muros consolidare valet,  
Nec modò consolidare valet, sed vult quoq; rē ipsa:  
Namq; suos nescit deseruisse DEUS.  
Qui nos præteritis Annis nostrosq; penates  
hostibus à tutos fecit & incolumes,  
Hic nondum occubuit tethali funere: Eundem  
si modò plebs humili pectore & ore roget.

Fact. 16. Januarii Anno 1643.

2. *ALLUSIO AD NOMINA LEONH. TORSTENSOHN I.*

Durum Nomen habes, irati nempè Leonis,  
ferventemq; foves prædipetamq; sitim.  
Omnia sed solvens hominum, Mors molliet iram,  
restingvetq; sitim sub Phlegethontis aqvâ.  
Vix etenim poteris tua patria tecta videre,  
sicut ea & quondam nec Baner evaluit.  
Altera quippè Canis tu pars es magna marini:  
portio ceu quondam prima Banerus erat.  
Sed tua Teutonicò solvet fors funere fata,  
auri exstingvendo morte rigante sitim.  
Et quia præter opes sitiebas usq; cruorem,  
ipsum - te tandem fata cruenta manent.  
Ergò in nos Fidei socios sævire caverò,  
In te ne fatum sæviat ante diem.

Fact. 18. ejusdem.

3. *L. TORSTENSOHN Flagellum DEI nobis est.*

Virga DEI vindex, & poena flagrumq; piâcli  
es, Torstensohn, in tergora nostra furens.  
Ast audi! pænâ perfectâ tute cremanda  
flammis traderis massa, volente Deo.

Namq;



Namq; Ipsi quamvis peccavimus impia agendo,  
te tamen hâut ullô læsimus articulo.

F. 19 d. ejusd.

4. *VARIA PRODIGIA SIGNA DIVINÆ GRATIÆ.*

Spes nostra in DOMINUM ZEB A O T H directâ sit unum,

Cives, nos arctis rebus Hic eripiet.

Ecce duo Ipsius clementia signa favoris,  
de Cœlô nobis, edidit Ille modò!

Namq; die illipsâ, \*quâ viribus omnibus hostis  
oppugnare Urbem pergeret atq; viris,

\* 3. JANUAR.

Angelici cœtûs se prostituere figuræ  
cum gladiis geminæ mœnia fracta super.

Post ter quinque dies † fulgenti hinc lumine Phœbes  
noctû Iris duplex visa colore suô est.

† 18. ejusd.  
circ. 10. hor.

Hæc sunt auxilii manifesta en signa futuri,  
si modò Spes UNO nostra erit usa DEO.

F. 20. d. ejusd.

5. *PRODIGIA DIVINA non sunt Præstigia magica.*

Quid crocitas Sveo? nostranê Urbis civica testa

sagarum & strigum spurca habitâcla vocas?

De Cælô quoties prodigia signaq; fiunt,  
vos â sævitiâ quæ revocare queant?

Non sunt præstigiâ, quæ sub vel in æthere & aurâ,  
vel terrâ fiunt: efficit ista DEUS.

Non hujuscemodi nobiscum turba maligna,  
sicut apud vosmet, heic habitare solet.

Namq; quid est aliud, vel Finno Lappovê vester,  
artis Thessalicæ quàm studiosa cohors?

F. 22. d. ejusd.

6. *Deus & Natura pro nobis pugnant.*

Pro nobis pugnant Meteora, Elementaq; & Æther,

Nix, Grando & Venti! quid metuamus humum?

Nam ante dies \*septem gemina Iris, signa favoris

\* 18. JANUAR.

Divi, se Lunam constituere penes,



† 22. ejusd. Inde die Solis t̄manè tria fulgura ab unò  
5. hor. mat. fulmine prævalidò concomitata micant.

\* 23. ejusd. Sicq; die Lunæ \*fulgenti luce diurnâ  
Iridis aspicitur forma gemella polò.

Nocteq; quæ sequitur duo fulgura fulmine rursùm  
unò stipantur! cūi metus hostis obest?

Quin etiam passim flammati ex æthere in hostis  
campestres scenas tunc cecidère globi.

Hinc sulfur ardens cum sanguine eqvosq; virosq;  
obruit hostiles axe, voratq; jubas.

Quin & Luna fuit sociabus cincta duabus,  
atq; inter-volitans alba columba, globos.

Hæc certè possunt hostem revocare superbum,  
in Fidei socios, à truce sævitiâ.

Sicuti tempestas Saulum circumdedit olim:  
ò si Conversi & calle referret iter!

Huic siquidem durum est & erit, si calcitret acrem  
adversus stimulum, aut Immanuela piùm.

F. 24. d. ejusd.

7. *Freiberga ab Hoste Nidus Glirium vocata.*

Siccine, magne Thraso, vocitas civilia tecta,  
nostræ Urbis nidum glirium ab ore tuò!

Annon tu venator eris vel glirium opimus  
captor, dùm bonis insidiare, Thraso?

Nostris quippè bonis opibusq; cupidine summâ  
insidiare ferox nocte dieq; Thraso.

Sic pol opes nostræ sunt glires voce superba  
dicti, queis tantis insidiis inhias.

F. 26. d. ejusd.

8. *L. Torstensohn defensor Evangelicæ Religionis  
ac Germanicæ Libertatis vel quasi.*

Promotor Cultûs Divi & Pietatis amicus,  
sincerâ ferves Relligione, Sveo,

Scilicet!



Scilicet! & Libertatis defensor avitæ  
Teutonidum es Procerum! credere si tibi fas  
Nimirum, hęc mediõ, hęc ratione, modoq; viaq;  
Libertas per te & Relligio asseritur!  
Ædes si Fidei sociam, si Tempia Scholaq;  
terris æquentur diruta, adusta face;  
Vestis si rebus sacris, si vasa dicata,  
sacrilegis facias surripi ubiq; volis;  
Sicut hedras, arcas, altaria, si picturas,  
& reliqua horrendis ignibus objicias;  
Si spolia & raptus committas, si ima supremis  
commutes, licitè & quæq; nefanda patres.  
Hęc tibi Libertas, hic Cultus scilicet unus  
perplacet, his solis artibus invigilas.  
Sic fers suppetias pressis, ut restet iis nil  
quàm vitæ squallens halitus atq; color.  
Non aliter tractas nos, quàm Thrax, Turca, Getes vè,  
Christicolas: superas asperitate Scythas.  
Hos defensores, DEUS alme, Paterq; benigne,  
à Laribus nostris pelle, fugaq; procul!  
His longè præstat privatos esse patronis,  
quàm semel admissos ejicere hospitio.

E. 27 die ejusd.

9. *De tribus S. R. Imperii Prociis Corrivolibus.*

Tres corrivales nunc sunt Sveo, Gallus, Iberq;  
Romulerq; Proci scilicet Imperii.  
Quos meritò Harpyjas dicas de jure rapaces:  
quisq; rapit partem, quàm valet, Imperii!  
Sed ni fallor ego, trinos frustrabitur hos Spes:  
Nam Daniel \* verax est, erit, atq; fuit.

st. Propheta

E. 28. d. ejusd.

10. *De Auxilio Divino retardato.*

Suppetias quàm homines nequeunt aut ferre recusant,  
tunc DOMINI ZEBAOth incipit auxilium.

At



Ast infers: Quando promissa redemptio Jovæ  
auxiliumq; venit? percipe, pauca loquar,  
Qvòd DEUS auxilium nunc differt atq; retardat,  
& nectit longas in cruce nempè moras.  
Ne mirère! Nimis quia nos recipiscere tardè  
cœpimus, & veras fundere ad astra preces.  
Idcirco DEUS & succurrere jure retardat:  
ast insta! veniet, si rogitabis EUM.

Fact. 19. d. ejusd.

11. *De Auxilio Cæsario promisso.*

Vah quid id est sceleris! Patrii rescripta Dynastæ  
Augusta in dubium & dicta vocare sui!  
Qvin immò reproba promissas fauce negare  
suppetias, quas mox Cæsaris arma ferent!  
Annon is Majestatis committere crimen  
dicitur, in dubium qui trahit acta Ducis?

F. 30. d. ejusd.

12. *De Svecorum Fautoribus & Collusoribus,  
iisq; & tacitis & apertis.*

Vos ô fautores Sveonum procul & procul ite!  
hinc fugitivorum tramite abite vagò!  
Indignè certè, qvin indignissimi, in Urbe  
hâc queis degendi sit locus atq; focus.  
Hostibus, heu! potiùs rabidisq;, ferisq; tyrannis,  
qvàm Patriæ Patri, mente favere placet.  
Vos hostes taciti pejores estis apertis:  
ocyùs hóc igitur perfidi abite solò!

F. 4. Febr. 1643.

13. *De illis-ipsis Fraxino trepidantioribus.*

Hoc quid fautores hostis? si mitia & æqua Svecis  
pectora sunt: Bello causaq; justa subest.  
Quid cryptas petitis? cellasq; fovetis opacas?  
qværitis ima metû, summaq; perfugiò.

Nec



Nec vobis vestrisque Patronis fident ipsi:  
ponitur in dubiis hosticus ille favor.

F. 9. d. ejusd.

14. *Sveci unius ejusdemque Religionis nobiscum  
Consortes, vel quasi.*

O fidos, justos, sanctosque; piosque; Svecos!  
si verbis modo fas credere, si qua fides.

Ejusdem Fidei socios se voce frequenti  
jactant, atque crepant Religionis epos.

At si res gestas, si factaque, si actaque, eorum  
componas dictis grandiloquisque; logis,

Longè aliud nobis referunt ad lumen apricum,  
quod lippis etiam pernotuisse potest.

Religio siquidem & Cultus mysteria Zvingli  
spirantes redolent dogmata Calvisequum.

Res gestæ ostentant Turcarum facta cruenta,  
si non vel rigidis horridiora Getis.

Seque suosque; his quis sociis concedat agellos?  
abs his Harpyjis exspoliandus opes?

F. 10. d. ejusd.

15. *De Spiritualibus & Corporalibus Militi-  
bus in Urbe.*

Campanis pulsis, precibusque; frequentibus arcem  
oppugnare poli vulgus inerme meat.

Hostiles quoties tentabant mœnia turbæ  
expugnare Urbis, mente furente cohors.

Dum millesque; armis civisque; feruntur in hostes,  
plebs sursum mittit pectore & ore preces.

Quandoquidem lacrumæ atque; preces sunt unica tela  
Christicolum, queis vel vincitur Ipse DEUS.

F. 14. d. ejusd.

16. *De Hostili Lapidum Jaculatione.*

Atrox qui facinus patrarent, Legibus olim  
his interdictum est ob scelus igni & aquæ.

B

Tu



Tu sed aquæ raptò nobis infontibus usû,  
vi lapidum ac igni perdere nos satagis,  
quos ex igni vomis in nostras evomis ædes  
mortariis, Urbis per plateasq; seris.  
Ut lapidum possint isti vix avehi acervi  
centenis plaustris urbe satisq; viis.  
Si nos more canum densò lapidum obruis imbre,  
quâq; vales nobis arte nocere, noces.

F. 15. d. ejusd.

15. *De impari Hostium & Nostratum Strage.*

Quamvis innumeros hostes vis Martia stravit,  
ex Urbe has octo nempe per hebdomadas;  
Et licet hæc captâ vi mens erat omnibus atrox,  
femellas tam, quàm Marte necare mares:  
Attamen ex nostris tantummodò ab hostibus icta,  
vix quadraginta pectora morte cadunt.

F. 20. d. ejusd.

18. *De tribus Urbis Freibergæ durissimis Obsidio-  
nibus & Oppugnatoribus.*

Nostra Freiberga tribus fuit obsidionibus arcta,  
Annorum undenûm tempore sanguineis:  
Holckia magna fuit quondam, majorq; Baneri:  
sed Torstensohn! c maxima sævitia.  
Plusquàm mille quater nam è ferrò glandibus Urbem  
hujus percussit vis violenta Viri.  
Granatas præter Sphærasq;, pilasq; nitratas,  
ferriferos istos ignivomosq; globos.  
Attamen hos nihilò minus hostes æthere ab altò  
panicus afflictâ trusit ab Urbe metus.

F. 23. d. ejusd.

19. *EUCHARISTICON.*

Ob Divinam Liberationem ab Hoste truculentis, 17. die  
Febr. factam, ad solennem-publicum Gratiarum  
actionis Diem Festum, qui Freibergæ celebrabatur  
Domi-

a 1632.

b 1639.

c 1643.



Dominicâ Reminiscere, quæ erat 26. dies Mensis  
Februarii, Annò quò

*Gloria sit Iovæ, quæ à VI nos eripit Hostis!  
Ipsius Laus sit DIVES In ore Meò!*

D. O. S.

**E**Xaltate DEUM ZEBATH magnumq; JHOVAM  
laudibus æternis carminibusq; sacris!

Collaudate DEUM, Cœli Terræq; Monarcham,  
perpetuis jâblis harmonicisq; sonis!

Exsultate DEO, in DOMINO gaudete JHOVA!  
Nam brachiò fecit facta stupenda suò!

Enarrate DEI miranda & fortia signa!  
de DOMINI auxiliò psallite jure melos!

Vos ò Vicini, ò Cives Freibergidos Urbis,  
cum senibus juvenes, vir mulierq; canat!

Finitimi pagi ac unà contermina nobis  
oppida, Tergeminum magnificate DEUM!

IMMANUELI almo condignas dicite grates,  
nullò occultandas tempore nocte nigrâ!

Ergò sit DOMINUS ZEBATH benedictus in ævum!  
Ejus enim durat gratia perpetuò.

Gloria, Laus & Honor sit Ei per sæcula cuncta,  
quòd nostras clemens audiit axe preces!

Quòd nostros muros, quòd tures robore divò  
rursus firmavit, robore mirificò;

Obdidit & nostris quòd fixa repagula portis,  
ne terræ æqvatas redderet hostis atrox;

Hosti quòd nostro furioso restitit, & vim  
reppulit à nobis omnipotente manû;

Præsidiq; Ducum quòd brachia robore forti,  
ipsius affecit præsidiiq; gregem;

Quodq; Caput salvum voluit Freibergidos oræ,  
atq; metallicis adfuit Officiis;



Quodq; Ministerium Verbi, canumq; Senatū,  
hostis vi salvos incolumesq; dedit;  
Quod civium pugnos solidavit viribus altis,  
fossorumq; operis adstitit auxiliō;  
Quodq; senes, pueros, cum matribus atq; puellas  
servavit dextrâ, vulgus inerme, suâ.  
Ergò sit IMMANUEL ævi benedictus in ævum!  
Ejus enim durat gratia perpetuò.  
Gloria, Laus & Honos sit Ei per sæcula cuncta,  
quòd nostras clemens audit axe preces!  
Multa & magna sui Divini signa favoris,  
alba avis, ac Iris, phasmata & Angelica,  
queis ita Spes in EUM ac fiducia fixior esset,  
edita sunt nobis de Bonitate DEI;  
Mira & dura sui Divini signa furoris,  
terrendos ad eos, hostibus exhibuit;  
Pugnabant pluvia, nix, fulgura, fulmina, frigus,  
& tonitru, & venti, & grando jubente DEO.  
Atq; ita pro nobis certabant æther & aër,  
consternans hostes coelitus horrificos.  
Namq; DEUS semper Genios turbare superbos  
suevit, qui satagunt vim facere innocuis.  
Ergò JEHOVA, DEUS fortis, benedictus in ævum!  
Ejus enim durat gratia perpetuò.  
Gloria, Laus & Honor sit Ei per sæcula cuncta,  
quòd nostras clemens audit axe preces!  
Hostem confudit tumidum, huncq; fugavit abegit  
ambitione gravem, noxer, ab Urbe, DEUS,  
Hostis vim contra diram, savumq; furorem,  
atq; dolos tectos insidiasq; catas,  
Nos nostrosq; Idem salvatos fecit adusq;,  
indigenas servans atq; alienigenas:  
Nos nostrosq; Idem eripuit de fauce Leonis  
præduri, qui omni cordis amore caret;



A spoliis ædes pavidas rêclasq; rapinis  
omnimodis tutas reddidit - asseruit.  
Summa: Huic semineces animas à funere nostras  
sic revocando placet vi recreare novâ.  
IMMANUELI ergò condignas dicite grates,  
nullò occultandas tempore nocte nigrâ!  
Finitimi pagi ac unâ contermina nobis  
oppida, Tergeminum concelebrate DEUM!  
Vos ô vicini, ô Cives Freibergidos Urbis,  
cum senibus juvenes, vir mulierq; simul,  
Enarrate DEI miranda & signa stupenda!  
de DOMINI auxiliò psallite grande melos!  
Exultate DEO, in DOMINO latamini JOVA!  
Nam brachiò fecit fortia facta suò.  
Collaudate DEUM, Cœli terræq; Monarcham,  
perpetuis jûblis, harmonicisq; sonis!  
Exaltate DEUM ZEBATH, magnumq; JHOVAM,  
laudibus æternis carminibusq; sacris!  
Eja fiat! Dixi.

20. *ANDREAS AB HAUBIZ & GEORG-HERMANNUS*  
*à SCHVVEINIZ &c. Fortissimi ambo Gubernatores*  
*Urbis Freibergæ.*

Cordatum fortemq; Virum se præstitit HAUBIZ,  
quùm Baner hanc Urbem cingeret obsidiò;  
quùmq; tribus muros regionibus oppugnaret,  
maturis juvit rudera consiliis:  
Noster ita & SCHVVEINIZ est imperterritus Heros,  
Torstensohn heic dum millite complet agros;  
Viq; Urbem summâ insontem, (patioq; bimestri,  
aggrediens, graviter verberat ære truci;  
Sæpiùs & dedi blandis verbisq; severis  
postulat, Hic tamen ut murus aheneus est.  
Seq; ita Teutonicum præbet factisq; secundum  
Harminium, cujus nobile Nomen habet.



Ejus dextra manus reverà est ille supremus  
Muffel militiæ Rector ad excubias.  
Pervigili curâ versans, velut alter Achates,  
Præsidis ad latus, est impiger auxiliis.  
Horum Nomen, Honos, Laudesq; Decusq; manebunt,  
dum glebas aris culta Friberga feret;  
Dum silvæ à cervis, à piscibus unda colentur,  
dumq; Polus stellas astraq; uterq; vehet.

F. 1. Martii 1643.

21. DE GEORG-FRIEDERICO à SCHÖNBERG & C.  
Consiliorum Curarumq; Collegâ.

Nec Schönbergiades numeris indictus abibit  
Aoniis, splendens Martis & Artis honos;  
Consiliis siquidem noctuq; diuq; laborans  
adjutat patriam resq; metalligeras.  
Inprimis curas, turbatò hòc tempore Martis,  
cum Duce Præsidi cum reliquisq; jugat.  
Namq; à parte suâ nil intermittere sœvit,  
qvâq; potest urbem parte juvare, juvat.  
Inde sibi pariet famam laudemq; perennem,  
& mihi perpetui Carminis Auctor erit.

F. 5. Martii 1643.

CONSULEM:

22. AD JONAM Schönleben in Langenrinne / &  
WOLFFGANGUM Graun / PRÆTOREM Urbis Frei-  
berga, Clariss. Duumviros.

Nobile par Ephorùm, Schönlebi, ceu Leo frendens:  
Grauni, ceu vigilans Grus! Patriæ ambo Patres!  
Ter summæ vobis curæ studioq; fideli  
Urbis prosperitas nocte dieq; fuit.  
Hæc depravatâ rerum Patriæq; figurâ  
officiis placuit semper adesse piis.  
Nam Vobis, diris armis summiq; furoris  
hostibus, allubuit opposuisse caput.

A. C. 1632.

1639.

1643.

Laus



Laus utriusq; vicens erit, urbs dum clara Friberga  
stabit, & æricolis larga metalla dabit.

F. 6. d. ejusd.

23. *DE RELIQUIS PATRIÆ SENATORIBUS,  
Curarum Laborumq; Collegis.*

Nec sua Laus reliquis dæest debita Curia & Urbis  
Patribus, ob curas propter opemq; datam.

Curia quippè videt illos noctesq; diesq;  
pervigiles: ab eâ his cedere religio est.

Quemq; etenim, rebus cives armare cupitis,  
usus quas poscit, maxima cura tenet.

Atq; ita, ceu Patres Patriæ Vigilesq; fideles,  
auxiliis Urbem consiliisq; levant.

Sicq; à parte suâ pro posse & viribus omnes  
hostis sævitiam barbariemq; premunt.

Hinc illos meritò sua Laus & Nomen, Honosq;  
atq; perennando Fama sequetur anus.

F. 7. d. ejusd.

24. *STRENÆ STRENUIS GNAVISQ; VIRIS conferuntur.*

Macte age! præsidii Dux inclute, strenue SCHVVBINITZ,  
aureolæ gestans Torqvis ovale decus!

Tuq; age Schönlebi, parili propè cincte catena,  
circumcolla, Urbis Splendor, Ocellus, Honos!

Macti ambo! queis vult mens Cæsaris omnia fausta,  
aureolam Torqvem dante cuiq; manû;

Ex quâ utraque, puro infusa numismatis auro,  
est Majestatis pendula Imago suæ.

Quòd muros patrios tuiti estis fortiter hostis  
contra vim diram barbaricasq; strophas.

Ipsa quidem Virtus sibimet pulcerrima merces:  
Cæsaris acre tamen munera calcar habent.

Namq; Virum gnavum ad plura & majora laceffunt  
munia præstandum promptius absq; metû,

Macti



Maſti ambo! hæc ad honores Cæſaris aurea ſtrena  
majores patulam pandat utriq; viam!  
Nec Vobis ſolùm, ſed & omnibus arma profeſſis,  
quos inter primas Muſſel obire decet.  
Fallor, an ENSIFERI præluſtri ex SAXONIS aulâ  
Huic venit & Cœtûs aurea ſtrena Duci.

F. 7. April, Anno 1643

*SOLI Ita VnIqVe IesV, aVgVſto noſtro  
ReDeMtorI atqVe SerVatorI ſit gLorIa!*





*h. 101, 56.*

D. O. M.

LEONHART TORS  
CRUENTUS AT PROFU

*Qui à 27 d. Decembr. Ann. sup  
17. d. Febr. Ann. 1643. agentis, Urbe  
omnem datam culpam, cum Exercitū  
ter attingit, truculenter infestavit,  
pugnavit, nec non dies noctes*

Aliqvibus Epigrammatiolis d  
vum quasi relectus, omnibusq; & sing  
cruciatuum modis affecit, si non c  
in lucem publicam ex

*A Liberationis Libertatisq; Patrie a  
qui ipsemet Obsidioni dirissin*




Anno

Quem Votum hoc ex

BeLLô, Peste, FaMe, proCVL Vr

Pax Crescens foVeat Nosq

AUGUSTOR



*St. Andreasberg*

